



Broj: 10/E-11-3352/26
Sarajevo, 29.06.2026.godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj: 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj: 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-149/26 od 06.03.2026.godine, (u daljem tekstu: Komisija I), u postupku javne nabavke teretnog vozila sa hidrauličnom dizalicom, sa alatima i kiperskim sandukom Službi za spašavanje iz ruševina, (Zapisnik o pregledu i ocjeni ponuda broj: 10/E-11-3352/26 od 29.06.2026. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „**A.C.I**“ d.o.o. Sarajevo, ulica Safeta Zajke broj 175,71000 Sarajevo, broj: 256-7/26 od 25.06.2026.godine, za nabavku teretnog vozila sa hidrauličnom dizalicom, sa alatima i kiperskim sandukom Službi za spašavanje iz ruševina, putem otvorenog postupka, sa cijenom u ukupnom iznosu od **277.700,00 KM bez PDV-a i troškovima registracije (bez PDV-a)**, odnosno **324.909,00 KM sa PDV-om i uračunatim troškovima registracije vozila**.
- II.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- III.** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke teretnog vozila sa hidrauličnom dizalicom, sa alatima i kiperskim sandukom Službi za spašavanje iz ruševina, pokrenut je Odlukom Općinskog načelnika o pokretanju postupka javne nabavke, broj: 10/E-11-3352/26 od 11.05.2026. godine. Predmet nabavke nije podijeljen na LOT-ove. Procijenjena vrijednost javne nabavke bez uračunatog PDV-a iznosi **277.700,00 KM**. Obavještenje o nabavci broj: 848-1-1-86-3-124/26 od 12.05.2026.godine.

U krajnjem roku za predaju ponuda koji je određenom tenderskom dokumentacijom (29.06.2026. godine do 10:00 sati), na adresu ugovornog organa primljena je 1 (jedna) ponuda od ponuđača „A.C.I“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija I je u zakazano vrijeme pristupila javnom otvaranju pristigle ponude i nakon što je utvrđena blagovremenost i urednost dostave, pročitana je cijena ponude, kako slijedi:

RB	Ponuđač	Cijena vozila bez PDV-a (KM)	Popust (%) / KM	Registracija vozila bez PDV-a (KM)	Ukupna vrijednost vozila sa popustom, registracijom i PDV-om (KM)
1.	A.C.I. d.o.o. Sarajevo	275.564,00	-	2.136,00	324.909,00

Nakon izvršenog javnog otvaranja ponude, na zatvorenom sastanku Komisija I je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Na osnovu uslova i zahtjeva iz tenderske dokumentacije vezanih za kvalifikaciju ponuđača u dijelu tehničke i profesionalne sposobnosti, Komisija I je jednoglasno konstatovala da ponuda ponuđača „A.C.I.“ d.o.o. Sarajevo zadovoljava traženo tenderskom dokumentacijom, kao što stoji u analitičkoj tabeli o provjeri traženih i dostavljenih dokumenata koja je u prilogu Zapisnika o pregledu i ocjeni ponuda, broj: 10/E-11-3352/26 od 29.06.2026.godine.

Detaljnomo računskom provjerom ispravnosti ponude ponuđača „A.C.I.“ d.o.o. Sarajevo, Komisija I je ustanovila da je ponuda računski ispravna.

Analizom cijene ponude ponuđača „A.C.I.“ d.o.o. Sarajevo, slijedi:

RB	Ponuđač	Cijena vozila bez PDV-a (KM)	Popust (%) / KM	Registracija vozila bez PDV-a (KM)	Ukupna vrijednost vozila sa popustom, registracijom i PDV-om (KM)
1.	A.C.I. d.o.o. Sarajevo	275.564,00	-	2.136,00	324.909,00

Tenderskom dokumentacijom predviđeno je provođenje e-aukcije, što je navedeno i u Obavještenju o nabavci broj: 848-1-1-86-3-124/26 od 12.05.2026. godine. Uzevši u obzir činjenicu da je primljena samo jedna prihvatljiva ponuda, e-aukcija se nije zakazala shodno članu 4. stav (2) Pravilnika o uslovima i načinu korištenja e-Aukcije ("Službeni glasnik BiH", broj 80/23).

Nakon analize i evaluacije pristigle prihvatljive ponude prema pravilima propisanim Zakonom javnim nabavkama i podzakonskim aktima, primjenom iz tenderske dokumentacije propisanog kriterija za dodjelu ugovora „najniža cijena“, u skladu sa članom 64. stav (1) tačka b) Zakona o javnim nabavkama, Komisija I je izvršila rangiranje ponude kako slijedi:

RANG	Ponuđač	Ukupna cijena vozila bez PDV-a sa troškovima registracije iskazanim bez uračunatog PDV-a	Ukupno sa PDV-om i registracijom
1.	A.C.I. d.o.o. Sarajevo	277.700,00	324.909,00

Shodno svemu naprijed izloženom, Komisija I je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Ponuđača „A.C.I.“ d.o.o. Sarajevo, ulica Safeta Zajke broj 175,71000 Sarajevo, broj: 256-7/26 od 25.06.2026.godine, sa cijenom u ukupnom iznosu **277.700,00 KM bez PDV-a i troškovima registracije (bez PDV-a)**, odnosno **324.909,00 KM sa PDV-om i uračunatim troškovima registracije vozila**, kao najpovoljnije, za nabavku teretnog vozila sa hidrauličnom dizalicom, sa alatima i kiperskim sandukom Službi za spašavanje iz ruševina.

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije I, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj: 39/14, 59/22 i 50/24).

Naknada za pokretanje žalbenog postupka iznosi 5.250,00 KM u skladu sa članom 108. stav (1) tačka d) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od 3(tri).

Uplatilac propisane naknade za pokretanje žalbenog postupka ugovornom organu kod kojeg pokreće žalbeni postupak u iznosu propisanim članom 108. ovog zakona, obavezno dostavlja ugovornom organu dokaz o uplati i kopiju bankovnog izvoda računa sa kojeg je izvršeno plaćanje.

Prilog: Zapisnik o pregledu i ocjeni ponuda, broj: 10/E-11-3352/26 od 29.06.2026. godine

**Dostaviti:**

1. „A.C.I.“ d.o.o. Sarajevo, ulica Safeta Zajke broj 175,71000 Sarajevo
2. Kabinetu općinskog načelnika – Odsjek za javne nabavke
3. Službi za civilnu zaštitu
4. Službi za finansije
5. U spis